



Broj: 03/1- 11-20447 /26

Tuzla, 07.07.2026. godine

Na osnovu odredbe člana 23. Zakona o ministarstvima i drugim organima uprave Tuzlanskog kantona („Službene novine Tuzlanskog kantona“, br. 10/18 – prečišćeni tekst i 5/24), člana 5. Pravilnika o provođenju postupka dodjele sredstava za subvencioniranje dijela kamatne stope privrednim subjektima sa područja Tuzlanskog kantona („Službene novine Tuzlanskog kantona“, broj: 09/26), te na osnovu Javnog poziva za odabir banke za plasman kreditne linije uz subvencioniranje dijela kamatne stope iz sredstava Budžeta Tuzlanskog kantona za 2026. godinu privrednim subjektima sa područja Tuzlanskog kantona, broj: 03/1-11-17292/26 od 01.06.2026. godine, objavljenog u dnevnom listu „Večernji list BH“ Mostar dana 02.06.2026. godine, te na osnovu Rang liste broj: 03/1-30-20624-3/26 od 01.07.2026. godine, ministar privrede u Vladi Tuzlanskog kantona d o n o s i

O D L U K U

o izboru banke za plasman kreditne linije uz subvencioniranje dijela kamatne stope iz sredstava Budžeta Tuzlanskog kantona za 2026. godinu privrednim subjektima sa područja Tuzlanskog kantona

I

Nakon postupka provedenog po Javnom pozivu za odabir banke za plasman kreditne linije uz subvencioniranje dijela kamatne stope iz sredstava Budžeta Tuzlanskog kantona za 2026. godinu privrednim subjektima sa područja Tuzlanskog kantona, broj: 03/1-11-17292/26 od 01.06.2026. godine, koji je objavljen u dnevnom listu „Večernji list BH“ Mostar dana 02.06.2026. godine (u daljnjem tekstu: Javni poziv), te na osnovu Rang liste broj: 03/1-30-20624-3/26 od 01.07.2026. godine, za banku koja će vršiti plasman kreditne linije bira se UniCredit Bank d.d. Mostar, sa sjedištem u Mostaru, Kardinala Stepinca bb, koja ispunjava uslove Javnog poziva i koja je ostvarila najveći broj bodova u skladu sa utvrđenim kriterijima.

II

Po isteku roka za izjavljivanje prigovora, odnosno nakon okončanja postupka po eventualno izjavljenom prigovoru, ova odluka dostavit će se Vladi Tuzlanskog kantona radi davanja saglasnosti, u skladu sa članom 5. stav (3) Pravilnika o provođenju postupka dodjele sredstava za subvencioniranje dijela kamatne stope privrednim subjektima sa područja Tuzlanskog kantona.

III

Nakon pribavljanja saglasnosti Vlade Tuzlanskog kantona na ovu odluku, ministar privrede predložit će Vladi Tuzlanskog kantona zaključivanje ugovora o poslovnoj saradnji sa izabranom bankom radi realizacije plasmana kreditne linije uz subvencioniranje dijela kamatne stope, kojim će se urediti međusobna prava i obaveze ugovornih strana.

IV

Sve banke koje su učestvovalе u postupku po Javnom pozivu bit će obaviještene o ovoj odluci i rezultatima Javnog poziva u roku od 7 (sedam) dana od dana njenog donošenja. Rang lista banaka čini sastavni dio ove odluke.

V


Protiv ove odluke može se izjaviti prigovor Ministarstvu privrede Tuzlanskog kantona u roku od 8 (osam) dana od dana prijema iste. O prigovoru odlučuje ministar privrede u roku od 15 (petnaest) dana od dana prijema prigovora, a donesena odluka je konačna. Podnošenje prigovora odgađa izvršenje ove odluke do donošenja odluke po prigovoru.

VI

Ova odluka stupa na snagu danom donošenja, a primjenjivat će se nakon pribavljanja saglasnosti Vlade Tuzlanskog kantona.

DOSTAVITI:

- 1x Vlada Tuzlanskog kantona,
- 1x Ministarstvo finansija,
- 1x UniCredit bank d.d. Mostar,
- 1x ProCredit Bank d.d. Sarajevo,
- 1x Bosna Bank International d.d. Sarajevo,
- 1x Intesa Sanpaolo Banka d.d. Bosna i Hercegovina,
- 1x ASA banka d.d. Sarajevo,
- 1x Evidencija,
- 1x a/a.



MINISTAR

Edin Đuraković, dipl. pravnik